



5. Radunanza cumünela dals 9.10.2019 a las 20.00 in sela polivalenta S-chanf

Presidi: Gian Fadri Largiadèr / Tractanda 3 Paolo Bernasconi

Actuara: Anita Kohler

Preschaints: Preschaints sun 61 votantas e votants

Büro electorel: Robert Angelini, Luzi Parli

Tractandas:

1. Protocol da la radunanza cumünela dals 21 avuost 2019
2. Preschantaziun da l'analisa d'alp
3. Iniziativa – Controlla remuneraziuns e spaisas pajedas i'ls ultims desch ans als presidents cumünels.
4. Nominaziuns tschernas cumünelas dals 20-10-2019, trienni 2020-2022.
5. Varia

La glista da tractandas vain approveda sainza objecziuns.

Protocol: Da la radunanza cumünela vain piglio cugnuschentscha dal protocol dals 21 avuost 2019.

19 8.000 Agricultura Preschantaziun da l'analisa d'alps

La firma specialiseda «Büro Alpe» cun egnas experienzas e savair, ho elavuro zieva avair fat püs workshops culs purs e culla populaziun da S-chanf e discuors culs rapreschantants da la vschinauncha, dals uffizis ALG ed ALT, ün'analisa extaisa da la gestiun da las alps da S-chanf. Ils resultats vegnan preschantos dals respunsabels per quist proget, nempe da duonna Doris e da sar Cornel Werder (dipl. ing. agr. ETH). Sar Werder es preschaint a la radunanza cumünela.

Zieva la preschantaziun da sar Werder, vegnan respusas las dumandas dals votants e da las votantas da maniera cumpetenta da signur Werder.

Ün votant es da l'avis, cha quist'analisa nu legitimescha a la suprastanza cumünela dad incumbenzer ad ün administratur per dumandas d'agricultura.
La radunanza cumünela piglia cugnuschentscha dal rapport.

**20 0.111 Radunanza cumünela
Orientaziun – Iniziativa – Controlla remuneraziuns e spaisas
pajedas i'ls ultims desch ans als presidents cumünels**

Situaziun da partenza:

Ils 19 marz 2018 haun 29 personas inoltro ün'iniziativa culla seguinta formulaziun:

As basand sün art. 19 dals tschantamaints cumünels da la vschinauncha da S-chanf pretendan ils suotsegnos, ch'ün giurist da lingua rumauntscha controlla insembel culla cumischiun da gestiun, scha las remuneraziuns e spaisas pajedas i'ls ultims desch ans als presidents cumünels, correspuondan a l'uorden da salarisaziun per ufficients, impiegos e lavuraints cumünels e vschinels da la vschinauncha da S-chanf, approvo da la radunanza cumünela dals 25 october 2007. Eventuelas irregulariteds dessan gnir comentedas e quantifichedas in ün rapport a maun da la radunanza cumünela.

Ils 24 october 2018 ho la radunanza cumünela accepto l'iniziativa.

La cumischiun da gestiun ho preparato sün giavüsch da la radunanza dals 21 avuost 2019 il rapport finel chi pertuocho las remuneraziuns e las spaisas pajedas als anteriurs presidents cumünels: Romedi Arquint e Duri Campell. Quist rapport vain preschanto a la radunanza cumünela, preschaint es eir il giurist sar dr. Marco Toller.

Il president da la cumischiun da gestiun declera a la radunanza cumünela ils rapports, scu eir il rapport finel e renda attent sün singuls puncts. Zieva do sar dr. Marco Toller las explicaziuns correspundentas.

Zieva spiegaziuns detagliedas fo ün votant la seguinta proposta: «La radunanza cumünela piglia cugnuschauncha dal rapport, constatta però, cha quist cuntegna bgers sbagls e maungels ».

Zieva üna discussiun fich animada ed intensiva, piglia ün ulteriur votant il pled ed es da l'opiniun, cha'ls rapports manzunos sajan stos illa chanzlia per invista e fo la proposta, cha la radunanza cumünela fatscha la votaziun.

Propostas:

La cumischiun da gestiun propuona a la radunanza cumünela d'accepter il rapport finel.

Sar J.P. Lemm propuona: La radunanza cumünela piglia cugnuschentscha dal rapport, constata però, cha quist cuntegna bgers sbagls e maungels.

Decisiun:

Cun 27 a 15 vuschs e 19 abstenziuns s'exprima la radunanza pella proposta da la cumischiun da gestiun ed accepta il rapport finel.

**21 0.124 Nominas
Nominaziuns tschernas cumünelas dals 20-10-2019 trienni 2020-
2022**

Situaziun da partenza:

Tschernas 2019, trienni 2020-2022. Tenor la constituziun cumünela, artichel 30 e 39, ho lö aunz las tschernas cumünelas a l'urna, üna radunanza da nominaziun per fer propostas da tscherna per las seguintas autoriteds cumünelas:

Il president cumünel, il vicepresident cumünel, ils commembers da la suprastanza cumünela, il suppleant da la suprastanza cumünela, ils commembers da la cumischiun da gestiun ed ils commembers dal cussagl da scoula.

Las tschernas cumünelas a l'urna, 1. scrutin, haun lö in dumengia, ils 20-10-2019.

Nominos a la radunanza cumünela sun gnies :

Duri Schwenninger	suprastant cumünel
Daniel Platzter	suppleant suprastant cumünel
Jon Peider Lemm:	cumischiun da gestiun

Ün votant dumanda, scha que saja permiss cha duos persunas chi vivan illa listessa chasada possan gnir elettas illa suprastanza cumünela. In regard quista dumanda ho l'administraziun cumünela fat sclerimaints tal Uffizi per vschinaunchas. La constellaziun preschainta (Liun Quadri (fin cò) e Rafael Da Silva Pinto (nouv)) es admissa pell'occupaziun dals posts illa suprastanza cumünela.

Uschè sun in tuot nominos ils seguints candidats:

President cumünel:	Riet Rudolf Campell (nouv)
Vicepresident cumünel:	Heinz Thomas (nouv)
Suprastanza cumünela:	Liun Quadri (fin cò) Rafael Da Silva Pinto (nouv) Duri Schwenninger (nouv) Robert Thoma (nouv)
Suppleant suprastanza cumünela:	Daniel Platzter (nouv)
Cussagl da scoula:	Nina Defila (fin cò) Doris Florineth (fin cò)
Cumischiun da gestiun:	Christian Berger (fin cò) Jon Peider Lemm (nouv)

Las nominaziuns posteriuras haun da gnir consegnadas düraunt las uras d'avertüra fin in **venderdi, ils 11 october a las uras 16.00!**

La chanzlia cumünela es aviarta per nominaziuns posteriuras eir in venderdi, ils 11 october da las uras 15.00 – 16.00 (büro chanzlista cumünela).

Ils resultats da l'elecziun vegnan dos cuntshaint la **dumengia d'elecziuns, ils 20-10-2019** a las **16.00** in occasiun d'ün aperitiv i'l foyer da la scoula cumünela da S-chanf e sun publichos a partir da las uras 17.00 sülla pagina d'internet www.s-chanf.ch.

22 9.999 Varia

Il president cumünel orientescha :

La suprastanza cumünela ho trat als 8 october 2019 las seguintas decisiuns:

- A partir da dalum vain il silvicultur da revier e'l maina gestiun da la resgia, [REDACTED], dispenso ad interim da sieu oblig da lavur.
- Ün'examinaziun administrativa da divers affers vain rinviada tres la suprastanza cumünela ad üna firma specialiseda.
- Gian Luca Vitalini maina la resgia e la deponia ad interim. Ad el sustegnan sar Andri Thom illa resgia e sar Marco Solèr / sar Gion Fadri Bergamin, scu eir rapreschantants da la AWN in dumandas forestelas.

Per mantegner ils drets persunels [REDACTED] nu fo la suprastanza üngünas explicaziuns e nu do üngünas infurmaziuns in regard quista fatschenda.

Per [REDACTED] vela üna cumpletta supposiziun d'innocenza.

Fabricat « Resgia Chapella vegl magazin »

Il vicepresidente dal departamaint infurmescha in regard a la dumanda da l'ultima radunanza cumünela pertuchand la parcella 831.

Rait da fibra Service «Commutaziun etappa 2019, 13 avuost 2019»

Il president cumünel declera ils motivs pell'interrupziun dals 13-08-2019.

Ün votant vess gugent da savair our da che motivs cha la via da schlitta Griatschouls nun es publiched a illa guida per turists da la regiun. Il depüto dal departamaint prouva da der üna resposta e renda attent sün üna decisiun dal president.

Il president cumünel declera, cha las votantas ed ils votants da S-chanf hegian approvo als 26-06-2019 l'iniziativa "Via da schlisuler Griatschouls". In regard a quista decisiun, nun ho il depüto ordino pü üngünas lavuors u fat sclarimaints pella realisaziun da la via da schlittas.

Pertuchand la realisaziun dal parc da suas a Prasüras piglian ils votants e las votantas cugnuschentscha da maniera positiva da la pusiziun da la suprastanza, giavüschan però, cha quella as baratta inavaunt culs iniziants in regard la finanziaziun dal parc da suas.

Ün votant dumanda perche cha la piazza publiched a chanzlist/a cuntegna la pretaisa dad avoir il perfecziunamaint dad administraziun publica. Il president declera, cha la suprastanza cumünela considerescha scu giavüschsel d'avair fat il perfecziunamaint u d'esser pront dal abslover complementar a la professiun.

Pel commember da CdG, Daniel Platzer, rapreschainta il müdamaint dal „Uorden da salarisaziun“ sülla pagina d'internet da la vschinauncha üna falsificaziun da documainta. El giavüscha da la suprastanza cumünela sclarimaints in regard la chosa ed il nom da la persuna chi ho apparaintamaing piglio per mauns que.

Il president serra la radunanza a las 22:36 ed ingrazcha a tuot ils preschaints per lur cumparsa.

In buna fè

Il president:

L'actuara:

G. Largiadèr

A. Kohler